

素問六氣玄珠密語卷之三

卷三

天元定化紀篇

夫司天者司之言直也司直而侍於天之直也左右者從直也次於司天也即從司而侍直於天其名間氣即本氣隨天虛而時間令化也是司天之間化之令故名曰間氣故與天相得者或與天不相得者或與天令並化者或勝天令而不化者或先於天令或後於天令或來間早或來間晚或來早而去早或來晚而去晚或來早而去晚或來晚而去早或懼天令而不來或左應而右不應或右應而左不應或左右俱應或左右俱不應或從兩正或從北正如此即天令非一故雖預定亦以細窮之定紀天令必化不化故述於後夫天元六氣者即是厥陰少陰太陰少陽陽明太陽即厥陰為己亥之紀少陰為子午之紀太陰為丑未之紀少陽為寅申之紀陽明為卯酉之紀太陽為辰戌之紀此者是陰陽輪流定紀之數故終而復始也

卷三 子 述

厥陰為木其令為風其性暄其德和其愛搖拉其勝折墮其復飄怒其化三八其蟲毛其藏肝其病掉眩筋拳其色青其味酸其臭臊其養筋其候目其應春其星歲星其動左脇其象青龍其脉弦長其卦震其位寅卯其穀蒼其果李其畜雞其音陰落其災三宮其神魂其液泣其司己亥運合丁壬少陰為君火其令熱其性溫其德慈其變鬱蒸其勝大暄其復鬱燠其化二七其蟲羽其藏心其病驚悸其色赤其味苦其臭焦其養脈其候舌其應夏其星熒煌似火星赤而小其動當心其象朱雀其脉洪大其卦離其位巳午其穀丹其果杏其畜羊其音煩熱其災九宮其神呻其液汗其司子午運合戊癸不主運氣君火以名不統五運也

太陰為土其令兩其性潤其德縵其變埃昏其勝霖霍其復霏霰其化五其蟲保其藏脾其病痞噎黃疸其色黃其味甘其臭香其養肉其候唇其應長夏其星鎮星其動當臍其象句陳其脉緩其卦坤其位辰戌丑未其穀粿其果棗其畜牛其音朦昧其災五宮其神噫智其液涎其司丑未運合甲己少陽為相火其令暑其性炎其德猛烈其變沸騰其勝燥石其復流金其化二七其蟲翮其藏包絡其病狂顛其色赤其味苦其臭焦其養血其候舌其應夏其星熒惑其動手心勞宮其象朱雀其脉鉤其卦離其位巳午其穀丹其果杏其畜羊其音煩燭其災九宮其神憶博其液汗其司寅申運合戊癸陽明為金其令燥其性涼其德清其變肅殺其勝潤零其復颯墮其化四九其蟲介甲其藏肺其病喘欬嗽嚏其色白其味辛其臭腥其養皮毛其候鼻其應秋其星太白其動右脇其象白虎其脉毛其卦兌其位申酉其穀素其果桃其畜馬其音霜露其災七宮其神魄其液涕其司卯酉運合乙庚

武其脉石其卦坎其位亥子其穀玄其果粟其畜彘其音霜靈其災一宮其神精志其液唾其司辰戌運合丙辛

厥陰所以司於巳亥者何也謂厥陰木也木生於亥故正司於亥也對化於巳也雖有卯為正位木之分謂陽明金對化之所以從所生而順於司也

少陰所以司於子午者何也謂少陰為君火君火專位所以正得南方離位也即正化於午對化於子也

太陰所以司於丑未者何也謂太陰為土也土主中宮寄卦於坤坤位西南居未分也即正化於未對化於丑也

少陽所以司於寅申者何也謂少陽為相火之位早於君火也雖有午位君火以居之即火生於寅也故正司於寅對化於申也

陽明所以司於卯酉者何也謂陽明為金酉為西方金位即正司於酉對化於卯也  
太陽所以司於辰戌者何也謂太陽為水水雖有於子位謂君火對化也水乃復於土中

即六戌在天門即戌是也六巳在地戶即辰是也故水歸土用正司於戌對化於辰也

凡化之令風木為何化三八火熱為何化二七土雨為何化五燥金為何化四九寒水為何化一六此謂五行之數也各有生成之數也即水一火二木三金四土五也此皆五行

之生數也其有成數者何也即於本數上各加五是也即水六火七木八金九土十是也土所以无成數者謂土王四季不得正方也

又數至十而到行即復歸五也天有九宮不可至十也至九而迴也  
又生成正化以何明之從其本而生從其標而成也以何為標以何為本也正化為本對化為標即厥陰正化於亥風化三本也故生數對司於巳風化八標也故成數少陰正司

午熱化二本也故生數對司於子熱化七標也故成數太陰正司於未對司於丑皆兩化五土無成數也故只生數少陽正司於寅火化二本也故生數對司於申火化七標也故成數陽明正司於酉燥化四本也故生數對

司於卯燥化九標也故成數太陽正司於戌寒化一本也故生數對司於辰寒化六標也故成數皆以本從生數標從成數正司令化之實對司令化之虛也  
凡左右者從司也間氣也假令厥陰司天左少陰右太陽也少陰司天左太陰右厥陰也太陰司天左少陽右少陰也少陽司天左陽明右太陰也陽明司天左太陽右少陽也太陽司天左厥陰右陽明也即以前為左後為右也若北正司天即以左在西右在東也若南正司天即以左在東右在西也凡木火金水運皆北正司天只土運南正司天也

凡司直之令皆以在泉及運共主一歲也唯左右間氣不然也即左主三氣是初二三也是木君火相火分也此三氣應左是也右主三氣是四五終也是土金水分也此三氣應右也凡間氣有至有不至者何也假令少陽相火司天即在見陽明陽明金也金避火而不至也其相火對化天虛或見水運乃可小至爾除此不至也餘即皆至也凡少陰司天

即左見太陰也即左主初二三也即太陰土懼初木氣故至而晚也何故也後入二之氣木氣退於位始至也故來晚也今舉此法餘皆數之也

又左間氣主先右間氣主後也皆與司天相得即至也先後有法於後述若間氣勝於天即至也天勝於間氣間氣不至也其至有時也亦取正對化之法即左間氣隨陽遁於局中取法並與天相得適直符而至也以何見之爾假令子年少陰司天即左見太陰太陰即土也即土主五宮也即時甲子入五宮即至也又假令丑年太陰司天即左見少陽相火也火主九宮即時甲子輪丑入於離宮即少陽相火至也今舉此二法即餘皆數之審詳而用

觀象應天紀篇

凡六氣之降昇得位氣至觀之有候氣之盛衰逆順吉凶皆在五星形象之變異日月氣候天象預報之皆自司天之氣候占應者也或氣至而星不見或氣未至而先星見或失

度而離位或前或後或當大而反小或小暗而却明或感或見一而見二或氣應而星不應或應見而却不見或日月之失度或日月之明大或日月之昏暗或與氣候同見或異星之相附或星與月相並而異氣撓之或同月

度或犯月角或二星相刑而一星乃小或二星光芒而相射皆主吉凶之兆下合上符應之明顯萬化民病時令并未來之災祥並述此紀假令少陰君火司天上應炁煌之星見而明感以表君火之在天如不見有已何故也若非水運太過不見即凶除水太過之年不在天即不見在地地用氣時歲半之後當見若非此二時當見而不見亦作不祥或與五星並見即君失朝政或在金星之傍金星大而明炁煌暗而小主武侯反叛之兆也又炁煌似榮惑而赤即小如榮惑不光芒閃灼本來赤而小明是也若水星或木星相近之者必於相位有欲動逆之兆也其火土相近之者亦主不臣也故五星不可與炁煌爭光皆主不臣也又炁煌或見二者亦非榮惑相

近也其大小相似無別者主未出世之君以此世也又太白或有二見者大小無異相似無分別者兼相近者此一星是太白一星是戈甲星也見之主大決戰也又榮惑或有二見者大小相似無分別者近之不離度此者

一星是榮惑一星是亢極星見之必大旱也退之乃澤及辰星或有二見者大小相似無分別者近不離度一星是水星一星名曰霖澤星見之主大雨也其星落而如散者主大雪又歲星或有二見者大小光芒皆相似近不離度一星名曰木星一星名曰強寇星見之草賊大勝也半年應之又鎮星或二見者大小光芒甚相似近不離度一星名曰土星一星名曰隣域星見之必隣國侵疆界次年應之此六氣相佐不祥者也又云太白似老人星者何也即金在天之年見於北方即秋見之甚似太白不相近而遠者見之而秋有涼政而不施肅殺主國家之壽也木在天之年有景星見於東方大如半月而明有光芒見之主明君出世水在天者有賢士星出

見似辰星青白光而不芒又小如辰星相去而遠即有賢人在野隱居而不顯名也又火在天有溫瀉星見其星四上二下下二星如斗之身至小而赤見之而天下大疫人死之半如見之只春分日用藥吐吐之不患也又火在天之年有天鬱星見一大而三小時時有黃赤氣附之見之天下痲疫皆相染易見之用藥於春分前汗之三解也涼上補下而不疾也又木在天者有毛頭星見大而光芒芒之乃長此星不可散落落即次三年化蝗蟲遍天下食農田又金在天之歲太白與屍星相近者屍星似樓星而小小而昏中有白氣附之此伏屍之氣也主殺人百萬流血千里又榮惑亦不可近屍星即人死多露屍於野又土在天者或在泉之年有稼穡星見似土星而小不同度見之而天下豐登又土在天之年有大星見於南方大而黃白其星先芒閃灼名曰輝黃星見之數夜或作聲而散落散落而作赤氣後黃色而消來日天無風雲天色乃黃日通昏此名天鬱之氣也主天

下大疫令人絕門皆死見之可以吐汗之皆不病如人得此病可吐下不可溫補火在天之年月見赤色者初出時見赤以為常月至午未之間不退赤者主大旱又火犯月角者主旱水犯月角者主大雨又日出至辰巳以來無雲而昏者君災月望而赤昏后妃災又太白忽赤者次日大風又北斗間有黑氣南衝過河漢至南箕者主大雨又金在天有大星見東北方大而光芒下有小小之星并微有白氣名曰彗星見之主撓捨也木在天之歲星失度乃北遊之年至北斗可近玄枵東西左右往來似動搖者主一十二年國破民災兵勝之兆又夜至四更子之後丑之前見東方如日出之象赤氣甚高可通東方氣散後有二大星出至曉日出猶見見之辰時末伏名曰競星見之主國災民農失業又太白陽年早見東方為啓明陰年夕見西方為太白若不依時度而交者皆主兵亂失政之兆日出東方有白氣如覆船者主大殺凶年民病也日出夕過下脯有雲昏淡而不黑欲散

而變龍虎之形又如鵝鴈之狀有斬賊亂政謀叛也凡星畫見皆主不臣五星失度皆主吉凶木運木司天之歲歲星當見大而明中木運與天符木不及反得金行勝即太白反大而明又與歲星同度歲星乃小太白甚歲至相近者後七年而天下民病病皆風燥二證治之以苦熱佐之以酸平火運火司天之年火得天符水行復勝之榮惑當大反見辰星辰星同度榮惑伏之甚小後三年而天下民病病皆寒熱治之以甘溫佐之以苦熱土運土司天之年土得天符水行勝之歲鎮星當大反見歲星歲星同土度鎮星甚小歲星光芒至近者後八歲而天下民病病皆風濕治以辛涼佐之以甘溫也金運金司天之年金不及火來勝之太白當大反見榮惑榮惑同度大白甚小榮惑光芒至近後六年天下民病病皆煩燥治之以鹹寒佐之以辛涼水運水司天之歲水不及土來行勝辰星當大反見鎮星鎮星同度辰星甚小鎮星光芒相近者後六年而天下民病病皆寒濕治之以

酸平佐之以鹹寒所謂病之年皆從本生數而合之可見其年木被金刑即七年也即木三金四共七年也病風燥金木二證當罰金之有餘次金木之不足也火被水刑即三年即水一火二共三年病寒熱水火二證當罰水之勝次金火之不足土被木刑即八年木三土五共八年病風濕者木土二證也當罰木之勝次金土之不足金被火刑即六年火二金四共六年病煩燥者火金二證當罰火之勝次金金之不足水被土刑即六年水一土五共六年病寒濕即水土二證當罰土之有餘次金水之不足凡勝復之歲若星不同度星不相勝即無此證也若但只勝復星不相伏無此病災爾者日照明之大表光景之紀綱群陽之精衆貴之象日大而行光天下和平日出有白光陽無德日暮無光陽見刑也日光耀主有疾日出一竿無光亭午光色無雲民病日未入西二竿亭午無光者人死日過中半不明主君道闕民人失業日有兩足群雄起日見赤足國急見伐日垂牙黃秋

侵兵將用日重耳天子得地黃氣抱日執政之臣內忠日晝日昏不出日大水日正晝而冥晦者陰反臣制君日有黑光不出六十日傷五穀大水日有六耳六十日喪國日傍有赤色如冠耳有持狀有兵則大風起暴雨春日有四耳天子有孫不出三年氣如虎觸日將軍反青龍守日臣下有謀青氣在日上下利出軍青赤氣掩日出必有大戰日傍有赤氣如虎萬人死日無色日中有赤氣大如星如踊躍者人君凶氣廣二尺在日東西其國有憂兵起日上有黑氣如蛟龍伏必大風冬至日日出入時俱有雲迎送者歲人民疫病其雲亦早白兵黃疫黑大水青大風日有黃暈二重風雨順時豐熟物賤日有白暈不出九十日有暴兵歲多暴病貴人多病日暈青有三重國多風雨不出九十日后妃災冬雷夏雪赤日暈再重其災在下所見國有蝗蟲二百日旱米貴多盜賊小有殘兵日四重四海有兵一年止日暈半重如鼎蓋者欲清和親之國日暈三重諸侯反日暈五重其年

飢荒五穀貴日暈十重天下亡地不出五年星墜為土大飢荒流血星墜為沙兵敗國亡星墜為金大兵起星墜為石落處人災白虹蜺星散為虹蜺白虹出其下流血白虹貫日近臣叛白虹夏生東方麥貴白虹所見之處國殺人白虹遠城不而從所在攻之勝虹蜺西見歲中災婦人虹蜺屈旋城上其下流血赤虹從天上直下指之國喪亂虹如屈蛇頭下指處人民病虹與日同出東方所見凶年虹在日左久不消見之人災太白下有白氣主大兵歲星下有青氣主大風鎮星下有黃氣主大疫辰星下有黑氣主大水災感下有赤氣主大旱月生暈中有星主大風月後有黑氣主大雨月有影如小月於上國有爭月暈有二重主風雨月暈有四重主四門國亂失政月暈傍有雲如手人民災月下大三足萬人死月當圓不圓四面白雲隨之國後災月兩角有大星人民災月背後有大星下有小衆星主冰雹有黑氣自月中出次變赤者第三日有黑風月中有白氣出主大



雲太白行宿其芒上銳下大進退合度當期  
 而見天下昌太白高小而明明而不芒主太  
 平太白大而光芒主兵甲太白入月中星色  
 分明臣有謀上太白月掩之如蝕者忠臣有  
 受戮死者太白生西月生星北國有兵強星  
 在月南中國兵勝在南方太白與月相逼中  
 間通三指兵兩指城憂太白在鎮星北者失  
 地亡國太白在西方高明早見之主強兵太  
 白在東方出日猶見之主兵戈事太白當見  
 不見凶月傍有衆星有院圓月一市主國之  
 勝月傍有紫氣繞之后妃有德月圓而明明  
 而太亭亭如不動后妃有德月圓而昏無光  
 明后妃災月見日而猶明君無德

素問六氣玄珠密語卷之三

素問六氣玄珠密語卷之四

天運加臨紀篇

啓 玄 子 迷 基三

甲子上正徵少陰君火司天熱行於上對化  
 咸而不實勝而有復運土相得即火生土熱  
 化七從標成數也下臨肺氣上從白氣奉天  
 即長氣之勝大暑流行民病喘欬寒熱欬嘔  
 鼻塞病本於肺甲蟲災勝之甚也水來復之  
 復至也冷氣反用心藏病生羽蟲乃天夏炎  
 反冷辰星反大炁煌不明

甲午上正徵少陰君火司天熱行於上正化  
 咸而實勝而不復熱化二從本生數也長氣  
 盛大暑流行肺氣上起白氣奉天肺病甲蟲  
 災民病熱行於上治之以鹹寒水性水味以  
 伏火熱之勝也勿食苦熱物佐火之王也上  
 見炁煌明盛太白之失色也  
 乙丑上正宮太陰土司天對化咸而不實勝  
 而有復運金土相生也兩化五下刑腎氣  
 衰黑氣奉天化氣之勝濕氣乃咸腎藏受病  
 久及膀胱鱗蟲天民病陰痿不起氣大衰而

時反腰腫痛動轉不便勝之甚也木來復勝  
 大風數舉民病脾胃保蟲災歲星辰見鎮星  
 復昏

乙未上正宮太陰土司天濕行於上正化咸  
 而實勝而不復兩化五下臨腎藏受病久及  
 膀胱鱗蟲災雨濕之勝民病痿厥腰膝陰痿  
 失弱治之以鹹平以木味木性以平土濕之  
 勝鎮星見大辰星失色

丙寅上正徵少陽相火司天正化咸而實勝  
 而不復熱化二從本生數也長氣之盛也下  
 臨肺臟受病久及大腸甲蟲災民病熱病行  
 於上皆煩滿鬱燠治之以鹹寒水味水性也  
 以伏火熱之盛勿食苦熱物佐火之勝熒惑  
 見大太白迺小

丙申上正徵少陽相火司天熱行於上對化  
 咸而不實勝而有復熱化七從標成數也下  
 臨肺氣上從白氣奉天暑流秋政收氣不令  
 肺藏受病甲蟲乃天民病上熱而欬喘衄血  
 勝之至深也水來復勝寒令早羽蟲反病民  
 病心寒熱作肺得水運申金佐之病得半辰